

古典文學 佳作 紀詠鈞 筆名/小紀
個人簡介：中興大學國際政治研究所碩士班一年級
文學愛好者，無得獎經歷。

吾土集

吾居臺中，鄉在大肚，生斯長斯，喜訪地土風情。輒所見，懷思有感，寄詩文，聊以自娛。

肚山望高

大肚山，界中市西，形屬臺地；顧府盆，守海濱。止觀於上，能見四下景緻，夜訪尤佳。

玲瓏夜月冷天狼，列御乘風望肚崗；但見仙几桃酒烙，渾成世戶火柴桑。
硤碑燦爛山南店，瑁貝斑斕水北窗；野炬藍曇焚絳鬼，雷師告電鬥句芒。

龍井鄉土

龍井，傍大肚山麓，有井曰龍目，故得名。近山面，土紅壤，適旱作。海埔邊，則多平野沃土，水稻盈田。

大肚山前宣畝圃，龍泉遁井潤南寮；農興聚土三千頃，水利開渠九萬條。
赤薯橫蟠泥豆闊，緇麻豎倚蔗枝高；津阡問渡仁恆在，孔訓傳鄉禮樂昭。

臺中港邊

臺中有港，港闊水深，沙岸綿延，腹地廣袤。地利便，貨暢。多漁獲，商市迎客。

鹽氛漫散港灘頭，櫃架頻移貨不休；客賈圍欄呼競價，遊商講數喊胠兜。
船舷網浪鱸填筐，艦艙收濤蟹入甌；只怕來年蠹子少，滄君釣起老魚鈎。

過清水花田

秋收畢，鄉農灑花籽於田，任自生長；待來年，翻土芳泥，可滋肥沃。

流金田作畫，納穀樂豐年；養土生新力，栽花種地錢。
香芭葵向日，豔瓣董推天；落輦成春綺，淹留稻岸邊。

解蹀躞 潭雅神綠園道

鐵馬道遍跡潭雅神，道旁草木蒼翠、田疇清爽；身在其中，俗慮淡杳、機深漸忘。

新綠添妝芳草，蔭作簑巾戴。蓊茵芍湛，桃華碧芸蓋。撲面茂葉迎來，踏風輪轉飛軸，孔明車快。

赤松態，任自驂騮鋼拐，徜徉日西曬。逍遙白鷺，離離葛薇采。荷笠斜覩烏鷺，此中自在悠然，范蠡難買。

殢人嬌 柳川躊躇

夜步柳川，只覺物是人非；天涯情斷，不由傷感。

水譜彈痕，疏索川珠聲錯。怎禁得，孤獨客過。無聊漫遣，憶昔時盟諾。但望去，依稀幾籌燈火。

新柳舊堤，埂情石落；今宵念，沉吟笙默。澄光蹙徑，只聞晶瑩破。潸潸淚，故作閒行步躅。

醉蓬萊 七期

七期重劃，富旺勃發；內中豪墅林立，百貨興榮，兼有楓谷、劇院，並為中市公廳所在。

勢貫中港段，傲立凌關。商都銀闕，棟宇名流，伴秋紅別業。穆輦遊曦，盜驪馱壁，宦爵公卿列。弧舞琳瑯，織羅粉黛，鼓琴連榭。

年少昂藏，疾蹄得意；聽曲歌樓，灑梅催雪。冠相長翎，遞府前名帖；開泰堂庭，賓容黔首，雅翫平凡悅。酌醕觥籌，邀詢王母，瓊漿能借？

庚子元宵遊文心燈會

歲次庚子，上元佳節，鯤島燈會移師臺中，置副燈於文心園囿。過賞興起，遂作詩。

文心簇煥玉雕龍，獸綵燈幢烈馬鬃；紫焰飄吹圓滿頂，金光轟射廣寒宮。
蛟狸緞繡彌青苑，琥鼠瓊琮綴楮封；縱領山屯新氣始，墩門大道運長通。

中興百年賦

己亥秋，余入籍中興，修讀國政。適逢立校百年，作文賦一篇，全喜賀慶。

順天運以立命兮，沐中洲於春風；
踞瀛臺之樞機兮，納員嶠之英雄。
環綠川、抱城珙，負南面、領翠峰；
樹伯殿宇，築巢引鳳；湖侯水穴，養心蟄龍。
沆盪波餘之水澈，麟魚奮飛而躍東；
扶疏青旖之木華，羽雁亢鳴而齊空。
四方林場，鬱茂拂蔥；枝繁葉盛，花妍果豐。
收造物之美，凜大塊無窮；攬宙界之精，御玄蒼翺鴻。
牧五穀以行庠序，教民象帝神農；
耕畜田而長太牢，祀牲昭禮維雍。
親森守山，麋友猿兄；愛溪敬澤，身共蝶蟲。
仁醫妙手，解傍生之懸慟；仙客襟懷，忘物我之異同。
藏丹書硯寶，揚墨馨以黃鐘；
化術數科律，點物性由巧工。
文佐經緯之基兮，續古訓而民宗；
理輔建奉之業兮，曉格致而博通。
枝開法商北境兮，惠子衿於從容；
葉傳高校大里兮，立棟樑自啟蒙。
校傳執鞭，威恩並重；慈師攜學，洽樂和融。
桃李結實，聖賢苗種；杏壇亮節，孟仲才功。
中流明德兮光炯炯，興儒育智兮氣虹虹。
大誠日月，學樸昊穹；百精求進，年勤益隆。
志慨凌霄兮，浩喝雲湧；
豪情搏冥兮，扶搖鯤鵬。
一練銀河挽昴宿，走星漢，上騰衝。